

Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 248. Num valeat alicubi inductum statutum impunè offendendi &
occidendi bannitos.

[urn:nbn:de:hbz:466:1-73982](#)

dum caput; cum pater, et si bannizatus, non definit esse pater, aut amittat jura naturalia. Porrò notandum hic, observatis etiam prædictis omnibus non nisi ex gravissima causa (qualis v. g. esset, si ex vita malefactoris immineret quotidianum reipublicam periculum) licere Magistratu ita bannizare aliquem, ut monet Mol. de I. & I. tract. 2. d. 7. eò quod ex bannizatione & licita proscripti occisione plerumque sequantur magna incommoda, inter quæ est improvise occisi banniti interitus, quod ad corpus & animam.

Quæst. 246. Num liceat bannito se defendere contra aggressorem suum?

R Esp. Juxta probabilitatem & communiorum, quam contra Clarum l. c. num. 7. aliósque ab eo citatos defendant Azor. Tom. 3. L. 2. o. 1. q. 11. Sa. v. bannitus. num. 4. Laym. l. c. q. 1. vers. sed nunquid. non licere proscripto se defendere occidendo vel mutilando, si opus est, aggressorem suum; quia is est veluti minister publicæ justitiae habens jus & potestatem occidendi proscriptum, adeoque sicut reo publico non licet viata salvandæ gratia occidere lictores ducentes illum ad carcerem vel supplicium, ita nec bannito aggressorem suum. Laym. l. c.

Quæst. 247. Num licitum bannitum occidere proditorie?

R Esp. In hoc non convenire AA. et si enim id negent multi apud Clar. l. c. num. 61. ipse tamen probabilitas tenet affirmativam, citatis pro eo Dec. in c. qua in Ecclesiastum. de constit. n. 14. in fin. Bossio in tit. bannii quid amittant. num. 1. ubi etiam, quod liceat eos occidi facere per pecuniam, & sic per assassinum. Addit tamen Clar. quod, quid sit de jure, servari apud se, bannitus, qui potest impunè interfici, possit etiam proditorie occidi, nisi tamen expresse dedisset illi fidem de non occidendo, in quo casu ait, se occisorem banniti facturum decapitari, eò quod etiam hosti servanda fides.

Quæst. 248. Num valeat alicubi inducum statutum impunè offendendi & occidendi bannitos?

R Esp. Quamvis juxta dispositionem juris communis bannitus impunè occidi non possit, ut cum Bart. in L. ut vim. ff. de I. & I. n. 1. & communi DD. Clar. l. c. n. 52. dicens, hanc conclusio nem maximam habere æquitatem, ne homines ea de causa inter se ipsos seviant, fieri tamen posse speciale tale statutum interveniente saltem Authoritate Magistratus alicujus supremi, & stante tali statuto occidentem fore liberum ab omni pena homicidii, videtur esse extra dubium, & sequi ex dictis; si enim id fieri potest vi sententia hic & nunc late à supremo Principe, cur non vi talis statuti stabiliter induci pro communis quiete, ut Bart. in L. 2. c. quando liceat unicuique sine iud. vind. n. 1. & valere tale statutum, docent Bart. in L. omnes populi, de I. & I. Alex. L. 2. cors. 2. circa finem. dicens communem, plurimisque alii apud Clar. n. 53. quin & valere, etiam si per illud constituantur præmium occidenti bannitum, docent Alex. in L. si plagi. ff. de V. O. Dec. in c. qua in Ecclesiastum. de constit. num. 14. Clar. l. c. Cùm inconveniens non sit, ut ad ea, quæ licet permittuntur, homines etiam propositis pecuniis allicitur, modò tamen bannitus quis fuerit ob grave delictum; cùm alias.

si ex levi causa bannitus esset, v.g. pro debito pecuniariorum, statutum non valeret. Clar. l. c. cum Dec. l. c. dicente esse communem. Porrò si statutum tale simpliciter diceret, licere bannitum impunè offendendi, licere quoque eundem impunè occidi, tradunt Alciat. de verbis significat. L. 2. fol. 44. vers. preterea. Jason. in L. in suis. ff. de liber. & posth. n. 26. Clar. l. c. & alii testantes de communi, & quod sic consuetudo observet.

Quæst. 249. Num occidens, quem ignorabat bannitum, gaudeat beneficiotatis statuti?

R Esp. In tantum gaudere illum isto beneficio, ut evadat penam Homicidii, non tamen lucrari præmium seu pecuniam statutam alias occidenti bannitum. Bart. in L. 3. §. utrum. ff. ad Sylla. & in L. genero. ff. de his, qui not. infam. Clarus l. c. n. 67.

Quæst. 250. An & qualiter licitum fit occidere?

R Esp. Indubitatum & certum est, licere omnibus in bello sive defensivo sive offensivo iusto occidere hostes nocentes, quia hoc ipso, quod ad vindictam justam & satisfactionem injuria, rerum & dannorum reparationem licet bella assumenturque, licita sunt media ad illa gerenda, obtinendumque finem illorum, inter quæ est occisio hostium. Dicitamen: Nocentes; id est, reos injuriarum, arma sumentes; nam innocentes, quales sunt jure naturæ pueri, mulieres (intellige nisi & ipsæ pugnant v. g. in defensione urbis hostilis contra justos oppugnatores) item Jure Ecclesiastico Clerici religiosi nisi & ipsi pugnant & arma gerant item homines simplices & rusticani, v. g. qui in castris laborare, necessaria exercitui advehere debent, per se & ex intentione etiam in bello iusto occidere non licet, unde stultas & semper iniucas esse bellum ducum civitates obsidentium minas, quod, nisi certo tempore civitas tradatur, velint trucidare sine discriminâ omnes, etiam infantes in utero materno existentes, ait Reiffenst. h. t. n. 73. dico etiam, ex intentione, siquidem per accidens & præter intentionem etiam innocentes cum noncentibus occidere licet, dum v. g. bellum geri aut victori obtineri nequit, nisi sic fiat. Atque ita contingere videmus in eversione arcium & expugnatione civitatum. Sed neque nocentes, postquam bello devicti & capti, interficere licet, nisi trucidatio illorum ad criminis atrocis vindictam, vel ad acquirendam firmandam reipublica pacem, quietem ac securitatem, necessarium aut valde conducens videatur, cum vel sic trucidatio illorum sit medium ad finem justam & licitum; ita cum Mol. de I. & I. tr. 2. d. 7. Reiffenst. n. 74. & alii, monentes tamen parendum multitudini, si non de rigore justitia, quo occidi possent omnes, saltem ex clementia & lenitate Christianæ Charitatis. Arg. o. 1. dist. 44.

Quæst. 251. Qualiter contrahatur irregularitas ex Homicidio commiso in bello?

R Esp. Primò: Qui in bello sive defensivo sive offensivo patenter injusto militans, pugnando, adhortando ad pugnam, vel quacunque auxiliu præstantes, omnes sive Clerici sive Laici sunt per hoc irregulares, si vel unus occisus sit, aut mutilatus, et si ipsi propriis manibus non occidant aut Covar.